

Rassemblement pour Laliberte

Radio Freedom pou lo Freedom Square le 4 Oktob

Fodre koze ler in ariv ler pour koze. Nou drwa pour fer politik libreman i garanti anba konstitisyon. Se ler nou ekzers sa drwa ki nou reisi sanz keksoz e anmenn sa ki bon pour lepep Seselwa.

Me i kontinyen annan lobstak dan nou semen. Tandis ki SPPF i annan privez televizyon ek radio, ki ganny servi pour pas zot mesaz tou le zour, SNP i bezwen rod lezot mwayen pour kominike.

Se akoz sa ki nou bezwen apel Seselwa pour rasanble pour nou koze.

Rassembleman le 4 Oktob

SNP pe fer en rali Dimans le 4 Oktob 2009 lo Freedom Square, Victoria. Nou'n demann permisyon lapolis pour sa. Ziskan ozordi, lapolis pankor donn nou sa permisyon me nou kwar i pou bezwen donner. Alor nou pe fer ou konnen boner.

SNP in swazir sa dat akoz i mark laniverser levennman le 3 Oktob 2006, kan bann lider e siporter ti ganny atake par lapolis e bate lo peron Lasanble Nasyonal. Sa ti arive akoz SNP ti pe fer en petisyon kont lalwa ki pou anpes annan radyo endependan dan Sesel. Sa levennman ti akoz nou ti pe defann nou drwa koze e fer politik.

Sa dat pou reste koman en senbol

nou lalit pou anmenn laverite e laliberte dan nou pei. Sakrifis ki bann dirizan e siporter SNP ti fer sa zour pou reste koman mark sa kalite determinasyon ki SNP in anmenn pour sanz nou pei.

Laverite i ofans son met

Ozordi i annan en kantite laverite ki ankor bezwen ganny dir Sesel. I osi annan en kantite size ki merit ganny debat an-piblik, parey sa nouvo program reform dan servis piblik. SPPF-

Parti Lepep pa en parti ki kontan laverite. Sa ki nou pe tande lo reform ekonomik e lo program Msye Michel is pa reflekte larealite ki Seselwa i fer fas avek ozordi.

SNP i sel parti ki pou kontinyen koz lo larealite Seselwa. Alor nou lavwa i bezwen kontinyen ganny tande si nou pou sanz keksoz pour de byen.

Sa travay i bezwen nou lagazman e nou sipor. Reponn sa lapel SNP e zwenn nou le 4 Oktob lo Freedom Square.

SPPF pe detri servis piblik

Lanons ki Minis Danny Faure in lfer yer lo size reform dan servis piblik i klerman en desizyon ki pou detri sa servis, kas kondisyon ki bann travayer in annan pandan plizyer lanen e aras zot bann benefis ki zot in travay pandan lontan pou gannyen. Ki mannyer sa reform pe ganny fer pa akseptab akoz plis travayer pou finalman perdi zot lanplwa e a-lavenir zot pou napa sa sekirite ek kontinyite ki en louvraz dan servis piblik ti ofer.

I kler ki gouvrenman SPPF pe zis met anplas en lot program depar volonter/forse. Sa voyaz, se pa gouvrenman ki pou pous travayer, me se bann lazans e bann korporativ ki zot pe kree pou ansarz sa bann travayer. Napa okenn dout lo rezilta sa lekzesis: mwens travayer dan servis piblik! An 2008,

1670 travayer ti perdi zot plas e bokou pankor ganny en lot louvraz. Alors, kote sa bann nouvo depar, menm apre en pe 'training' pou ale!

Parti SNP, atraver son lider Msye Ramkalawan, i proteste kont sa bann mezir brit ki pe ganny pran san okenn konsiltasyon avek bann travayer. SNP i demande ki:

1. Sa bann desizyon ki Minis Faure in anonse pa ganny met an aplikasyon san ki en seri rankont e diskisyon i ganny antreprann avek bann travayer konsernen.

2. Ki gouvrenman i donn garanti serye lo proteksyon lanplwa bann travayer avan ki zot ganny transfere anba okenn nouvo lorganizasyon.

3. Ki gouvrenman i donn bann detay kler e presi lo

SPPF pe detri servis piblik

bann program training ki zot pe ofer pour bann 'clerik' ek 'typist', lo loportinite travay ki zot pou annan apre e lo sipor ki sa bann travayer pou gannye si zot pa reisi retrouv en lanplwa.

SNP i lans en lapel avek gouvènmman pou aret sa destriksyon dan servis piblik. SNP i kwar ki pour en pei fonksyon byen i merit annan en servis piblik ki for e efikas e non pa enn ki ganny kase bout par bout aköz problem ekonomik.

Travayer pa devret pe pey lepokase pou move zestyon nou servis piblik pandan 32 zan!

SNP ki annan Lide

Ozordi Sesel i annan en parti opouvwar ki kopi-kat! Parti SPPF pa ti promet Sesel naryen nouvo dan deryen eleksyon. Okontr tou sa ki zot ti promet nou, zot pann kapab delivre: Zot ti dir ki rounpi pa pour devalye. Me ki ti arive le 1 Novanm 2008? Zot ti promet plis travay pour Seselwa, me travayer etranze pe kontinyen rantre. Zot ti promet plis larzan dan pos Seselwa, me kou lavi pe kontinyen monte e lamizer pe rantre dan tou lakour.

Si i annan en keksoz ki Msye Michel pe fer byen se adopte tou lide SNP. Malrezman I pa konn met zot an-aplikasyon e Seselwa I soufer. Menm si zot a dir, nou napa monopli lo lide, me i kler ki koman en parti politik ki'n opouvwar pour plis ki 30an, SPPF napa naryen nouvo pour ofer Sesel. Danze avek sa latitud sipay ki zot annan pour antre dan nenport lakok, seki zot pa fer naryen avek senserite. Zot pa pour zanmen oze al osi lwen e donn Sesel maksimom ki i bezwen. Sa i senpleman aköz zot ankor annan sa vilen mani oule kontrol tou keksoz.

Senser anver Sesel

Depi lentrodiksyon milti-parti se SNP kin promouvwar bann lide parey en Kod Lenvstisman, tender board, Komi-syon Drwa Imen, en Labank Santral lib, en sistenm zidisyer endepandan ansarz par en Sef Ziz Seselwa, en bord e management SBC endepandan, abolisyon sistenm *security clearance* e pour retir lenterferans politik dan sistenm prizon, lapolis avek larme.

Si SPPF in adopte mazorite sa bann lide, se aköz IMF, apiye par kominote enternasyonal ki'n fors zot adopte li, an esanz pour led. Lala kot problemn i vini. Lefet ki zot pa kwar dan laliberte total, SPPF in fer fason kas kontour avek sa bann lide: Mr. Michel I rod apwent son siporter pour li touzour annan kontrol, ou swa i oule fer tou keksoz anmenmtan, san gran planifikasyon.

Plan pour en Sesel modern

Plan SNP pour rekonstri nou pei i pankor entak. Nou annan lentasyon moderniz nou lekonomi par met plis lanfanz lo bann pti biznes Seselwa, sirtou dan domenn kot i annan leksportasyon. Nou oule pli byen devlop lendistri lagrikiltir avek lapes pou asir sekirite manze e ledepandans lo marse mondyal. Asir bonn gouvènmans, par ranforsi lendepandans bann lenstitisyon demokratik. Osi garanti sekirite nou pep kont maladi, protez nou lanvironnman e asir lord, lape ek lazistis.

Lo lot kote, msye Michel avek son gouvènmman pe investir tou zot lenerzi dan bann proze grandyoz ki pour senpleman asir son popolarite a kour-term: Liniversite Sesel, program Zenn Dirizan, Fondasyon Jj Spirit e zis i monte desann dan pei Arab. Mr. Michel I selman anbet Seselwa avek bann gro mo tel ki *empowerment*, *desantralizasyon*, *lotosifizans* e *lokalizasyon*. Me I annan zis en mo ki I vremen kwar ladan: **KONTROL**. Aret bat latet Seselwa!

Piknik! Piknik!

SNP Mont Fleuri

i envit siporter dan nou distrik pou zwenn kot Beach Park, Anse Royale pour en lazournen detant.

Anmenn Granmanman ek Zanfan Vin 'relax' dan en bon latmosfer!

Kote: Beach Park, Anse Royale
Kan: Dimans le 27 Septanm
Ki ler: Apartir 11 zer bomaten

Nou tou nou pou la pour menm rezon

Pour plis lenformasyon, kontakte telefonn 599699

PAS PARTOU

Kalkal-andye

Dan lespri Koste Seselwa, dezorme Prezidan Larepublik avek Dirizan Zafer Gouvènmman dan Lasanble Nasyonal in deside koud en liniform pour konferans lapres apre zot rankont o nivo. Kouler ki'n ganny swazir se *lavender*! Dapre konsey Miss Sarajevo, rouz i fer tou dimoun tenny zot televizyon.

Junky newspaper

Zournal SPPF i telman ekri gonaz ki lakonpanyen Internet, Google in vwar li nesaser pour blok akse avek zot sit web. Dimoun kin vizit sit www.thepeople.sc resaman ti ganny sa mesaz: *'Site is listed as suspicious - visiting this web site may harm your computer.'* Antretan Editer li i nowhere! I tro okipe pe rod nanm partou pour ekri lola! Tasyon I rantre dan ou vant!

Sov travay!

Tou dimoun ti antann ki Lasanble Nasyonal pa ti pour zwenn semenn pase, aköz Lakour ti pe re-ouver. Alor nou ti ekspekte vwar Speaker kot sa seremoni lo tv. Me ni li, ni son depite e zis en zavoka dan kan rouz ki ti prezan!

Rasanble Pour Laliberte

SNP pe esper permisyon Lapolis pour en rali
Lo Freedom Square, Victoria
Dimans le 4 Oktob 2009

3.00 er ziska 6.00 er

Nou pou pas lezot lanons pour konfirmen
Nou envit tou Seselwa pour vin partisipe

Nou Pou Touzour La Pour Zot!